

孚惠全書

平惠全書卷二十八

偏隅賑借二

乾隆五年正月初五日奉

上諭上年兩江地方均有被災歉收之州縣其江蘇所屬如安東邳州宿遷睢寧等處除秋冬散賑安插外又分別輕重加賑四個月兩個月一個月不等可以接濟至今年三月矣其安徽所屬宿州靈璧虹縣泗州阜陽潁上亳州蒙城等八州縣被災較重已經頒撫印布政使晏斯盛題請將極貧次貧二等饑民於正賑之外加賑三月一個月朕思此次八州縣被災既重其又次貧民亦須照下江之例加賑一個月庶不致於失所朕又聞廬江

鳳陽懷遠臨淮盱眙五河太和七縣及鳳陽泗州  
長淮三衛雖被災稍輕但值連歲歉收之後民食  
未免艱窘今當青黃不接之時應將極貧次貧之  
民加賑三月一個月以資其力作又聞宣城銅陵  
巢縣鳳臺含山五縣宣州一衛雖勘不成災而收  
成亦薄懷寧桐城二縣均有被旱缺米之邨莊俱  
在朕心軫念之中其如何發給半糶及確查貧民  
分別賑恤之處著該督撫辦理毋得稽遲該部可  
即行文前去

四月十八日奉

上諭淮安濱海地方上年遭值水災朕屢頒諭旨  
蠲賑兼施加意撫恤今訪聞得淮安分司所屬之

板浦中正范清臨興等場泰州分司所屬之廟灣  
場及附近之安東海州騎榆沐陽等州縣去年被  
災量重直至秋間積潦尚未消退以致春麥不能  
播種小民謀生無策當此青黃不接之際並無二  
麥登場饘飧不給雖現在將鹽義倉米石撥發平  
糶而小民無力糶買仍不免於饑餓朕心深為軫  
念應將各處被災之民再照上年散賑之例給賑  
一次其在州縣地方著該署督部王麟巡撫張渠  
委員查辦其在鹽場地方著鹽政三保委員查辦  
動用運庫減半餘平銀兩事竣報部核銷至被災  
州縣中有去年覓食外方之貧民今移送回籍者  
亦應一體加賑將饑民戶口重加查點俾無遺漏

該督撫鹽政等可仰體朕心迅速辦理務使窮民均霑實惠

七月十五日奉

上諭今歲夏秋以來雨暘時若各省奏報有秋者甚多朕心深慰浙省收成亦稱豐稔惟是蘭谿諸暨二縣於六月間山水陡發田禾被淹之食貧民該督撫已動存司公用銀兩按戶賑恤諒不致於失所其餘沿溪傍澗之各屬鄉莊如有被水收成較薄者亦著一體撫綏至於水冲沙壓之田畝若有應加恩澤者俱著該督撫委員確查分別辦理

乾隆六年正月二十八日奉

上諭自上冬及新正以來直隸山東河南山西陝

西五省陸續奏報均得瑞雪重降量見允稱優渥  
朕深感

上天垂佑之恩為百姓額手志慶知茅簷郭屋歡  
忭同情也春日哉陽土膏滋潤力勤播種不可後  
時著五省督撫轉飭有司宣朕諭旨遍為勸導俾  
小民努力東作以冀豐登其有貧乏之家籽種不  
足者量為借助以副朕仰承  
天貺俯恤民隱之至意

御製春日哉陽土膏滋潤努力東作正宜其時既  
命各省督撫勤宣朕意其有籽種不足者量  
借予之又成此詩以示重農務本之意  
去年冬雪少塵陳珠未置入春稍釋憂需足叨

天賜更嘉遠近同優渥遍大地東作北其時可不  
盡人事因命岳牧臣共勗勤宣意督耕耒其脩借  
種施以惠唯此重農心匪慕驅虞治

六月二十二日奉

上諭江南淮安府之山陽清河桃源安東海州及  
沐陽等處連年遭值水災聞今歲又復被潦朕心  
深為軫念著該督加意賑恤鳳陽府之宿州虹縣  
等處聞亦被水歉收亦著留心賑恤無使貧民失  
所

十月初九日奉

上諭朕聞得廣東崖州及感恩陵水二縣今夏雨  
水短少迨後雖經得雨而為日已遲播種不能遍

及撫臣王安國曾飭州縣官發穀借糶以資接濟而彼地連年歉收其中極貧之民無力借糶者仍苦不能餬口深可軫念著該督撫卽飭有司加意賑恤務令窮黎不致失所又聞瓊州雷州二府屬於本年八月十四五日風雨大作吹揭屋瓦其田禾室廬有無損傷之處亦著酌量辦理

十二月十一日奉

上諭江南淮徐等屬地方今年被災歉收朕已諭令該督撫加意賑恤無使窮民失所今聞江浦六合海州沐陽清河桃源安東銅山沛縣宿遷北十州縣民情甚為艱窘而其中江浦六合海州沐陽為尤甚此處饑民明歲開春之時非賑無以餬口



著將北四州縣極貧飢民從來年正月起至二月止加賑兩個月次貧者加賑一個月其清河桃源安東銅山沛縣宿遷六縣將極貧饑民加賑兩個月該督撫可督率有司實力奉行務令小民均霑膏惠該部即遵諭行

乾隆七年正月二十四日奉

上諭上江鳳潁等屬於上年夏秋連被水災朕已降旨加意賑恤獨緩各項錢糧並於定例賑濟月分之外將災重地方加展兩月一月不等項間滁和二屬及無為州縣偶爾偏災得賑之後已足支持惟鳳潁泗三屬連年被潦民困為甚令參政之期尚在五月其加賑至三月上者仍有四月一個

月乏食加賑至二月止者仍有三四兩個月乏食  
賑至正月上者有二三四三個月乏食雖該州縣  
例有平糶倉糧而貧民無錢糶買深可矜念著將  
鳳翔泗三屬已賑貧民再借與口糧一個月其正  
月止賑之處去麥秋尚遠應查明最貧之民借與  
口糧兩個月至五分災不賑者定例於春月酌借  
口糧應同六分災不賑之次貧一體照例酌借以  
接濟之統於秋成交穀還倉若近處穀石不敷由  
遠處撥運恐緩不濟急即照上年之例用銀折給  
俾小民買食大麥秫秫等雜糧以餬其口該部即  
行文江南督撫知之

五月二十二日奉

上諭春夏以來京師雨澤愆期仰望殷切昨十七日夜荷蒙

上天降賜甘霖秋成可冀朕心為萬姓稱慶今年  
畿輔遠近地方得雨多寡不等有先後需足者有  
未曾普遍者是以二麥收成分數豐歉不齊日據  
高斌奏報朕時刻留心體察如磁州永年曲周邯  
鄲成安肥鄉黃平雞澤等八州縣麥收甚為歉薄  
計此時去夏田收穫尚遠貧乏之民餬口為艱恐  
致失所應加恩於常格之外著於六月內將窮民  
給賑一個月以資接濟並令各該州縣動銀購買  
高粱穀豆荻麥等項籽種因地隨時借給補種以  
待有秋再將現存倉穀減價平糶倘有下歉即於

隣近倉貯盈餘州縣撥運濟用仍俟赴陳採買麥  
糧到日多撥平糶著該部即速行文該督高斌轉  
飭有司實力奉行

七月十二日奉

上諭江南淮徐等處連年遭值災傷朕時深屢念  
所以籌畫而安全之者亦既殫竭心力矣今據巡  
撫陳大受前後奏報阜寧安東山陽桃源海州沐  
陽清河邳州銅山蕭縣沛縣睢寧興化等州縣於  
本年五六月間大雨連綿凡低窪之處未刈之麥  
俱被水傷已種秋禾亦多淹沒現在委員確勘酌  
量撫恤並借給籽粒令其補種以冀無誤秋收等  
語朕覽奏深為惻然因思淮徐等處荒歉為憂已

經累歲

卷二十八

上天慈愛下民萬無疊降災殃於一方之理從來和氣致祥乖氣致異或本地大小官吏政治不修愆尤暗積或民人心術險偽風俗流漓均足以上干

天和於雨暘滂旱之間顯示徵戒倘仍不知恐懼修省視為氣數之適然或轉懷怨尤之心口出憤懣之語則是冥頑不靈怙過不悛無怪乎

天譴屢加災祲頻告此天人感應之道捷於影響斷無或爽者也用是特頒此旨諄諭地方有司思過省愆以各盡父母斯民之責豈可因己身獲戾而使困厄及於吾民於心忍乎並通行勸諭紳衿

百姓等各自有傷痛茲前非其有力之家毋得幸  
災居奇務教任恤之道且從此誠勉同歸於善以  
此上承

天意仰報

天恩朕知災沴潛消必獲屢豐之慶矣至於撫綏  
惠濟之方著總督德沛巡撫陳大受悉心商酌妥  
協辦理隨時奏聞毋使一夫失所

八月初二日奉

上諭今歲六七月間江南淮徐揚州一帶淮黃交  
漲水勢浸溢甚於往時朕已屢降諭旨令該督撫  
等加意撫綏現又命高斌周學健前往會同辦理  
茲據陳大受奏稱揚州目下河水日逐增長民間

自中人之家以及極貧下戶皆流離四散雖有平糶之官糧撫恤之公項亦不能奔走領糶似此情形實非尋常被災可比朕心深為軫惻該督撫等不得拘於常例務須多方設法竭力拯救使災黎稍可資生以俟水退倍加撫綏俾得安其故業毋致失所該部即遵諭速行

十一日奉

上諭江南上下兩江有疊被水災之州縣朕心深為軫念已命大臣前往會同該督撫加意賑恤以蘇民困茲據安徽巡撫張楷奏報連年水潦歉收今年被災最重者則有鳳陽臨淮宿州靈璧虹縣懷遠壽州鳳臺蒙城泗州五河盱眙天長十三州

縣次重者則有定遠霍邱太和潁上亳州阜陽六  
州縣朕思此等地方民人於積困之餘又罹災患  
非加恩於常格之外不足以拯陪危其最重者著  
於定例應賑月分之外加展三個月其次者著於  
定例應賑月分之外加展兩個月至於災止六分  
次貧不賑者亦俱賞賑一個月其被災屯衛軍丁  
著照坐落州縣一體加展月分又無業貧民乏食  
生監各隨所居鄉邨准其照例領賑其應於何時  
開賑該撫卹酌量情形舉行務派賢能有司官員  
殫竭天良竒力撫恤其下江被災等處仰著欽差  
大臣會同該督撫照此旨酌量辦理務使災民均  
霽實惠該部卽遵諭速行



十三日奉

上諭向來外省地方災荒有司官員辦理不善每將應賑人數有意裁減以致人多賑少國家雖沛恩膏而小民仍有不免饑餓者今年江南被水甚重且當連年災荒之後更非尋常可比凡屬應賑災民務將大小口數據實造冊不得仍踵前弊致有遺漏可速傳諭欽差大臣及該督撫加意查察轉飭有司實力奉行

十五日奉

上諭今年上下兩江水災甚重朕宵旰憂勞百端籌畫以拯吾民之困厄但思此等窮民在本地引領待賑者固多而挈家四出覓食於隣省隣郡者

亦復不少著江南及河南山東江西湖廣等有督撫各嚴飭地方有司凡遇江南災民所到之地即隨地安頓留養或借寺廟或蓋蓬廠使有棲止之所動用該處常平倉穀計口授糧據實報銷並訓諭約束不得借端生事至於災民聚集衆多之處則更委道府大員專行督察至冬月水消及春初耕種之時有願歸本鄉者即資送回籍知照本籍照例安插並給以麥種俾得及時趕種其不願回籍者亦不必強急遵前諭行

九月二十四日奉

上諭今歲江南淮徐揚鳳潁泗等處水災甚重米價高昂此等營汛兵丁雖有月給糧餉恐食用尚

有不敷者於司庫內各借給鈎銀一季俟明年再作四季扣還該部即遵諭行

十二月初十日奉

上諭江南山陽阜寧安東清河桃源淮安大河等七縣衛疊被水浸黎民困苦今年賑濟夏災時每米一斗照例折銀一錢嗣因地方米價昂貴一錢之價不能買米一斗朕加恩增至一錢二分今部中將秋災案內米價准其折給一錢二分而夏災案內仍照一錢之數此遵定例辦理者但山陽等七縣衛被水較他處更重自應格外施恩著將夏災所賑米價准與秋災一例報銷每米一斗准折銀一錢二分該部可即傳諭江南督撫知之

乾隆八年正月初二日奉

上諭上年江南淮徐鳳潁等府遭值水災朕宵旰焦勞無一時釋於懷抱特遣大臣會同督撫百計經理不惜千萬帑金期登斯民於衽席頃據陸續奏報被水之地漸次涸出冬間可以種麥石林決口亦已堵築水勢減落朕心稍慰但念兩江受水之地甚廣其現在已經涸出者民間努力耕種自不待言其沮洳將涸者間春佈種春麥大麥及雜糧之屬亦可冀望有收惟是最窪之地積水較深有非人力所能計日宣洩者倘春月不能趕種春麥雜糧而停賑之期已屆窮民何以為生朕思慮及此深為憫惻用是特頒諭旨著欽差大臣及該

督撫將實在不能涸出耕種之地上一一確查所有錢口若干按其情形酌定月分接續賑恤毋使失所此朕格外之恩該大臣等應共仰體妥協辦理以副朕保惠黎元之至意

四月三十日奉

上諭上下江驛站馬匹現行之例蜀豆每日給銀六分在豐稔之年自足敷用今歲歉價昂州縣不無賠累昨歲被災州縣其驛馬每日准銷八分俟秋成豐稔停止其有收地方不得援以為例

六月初八日奉

上諭前因河南開封所屬雨澤愆期朕已降旨令該撫虔誠祈禱清理刑名緒據雅爾圖奏稱近日

雖得微雨未能深透此不過雅爾圖塞青之語朕  
聞得彼地竟未得雨大田多未栽種此際正須籌  
畫平糶借種等事如已成災更宜撫恤著該撫趙  
成即速查辦俟阿里衮到豫詳細辦理奏聞該部  
遵諭速行

二十一日奉

上諭據貴州總督張廣泗奏稱黔省自交夏以來  
米價昂貴已通飭各屬查察地方情形將倉穀減  
價平糶至於無錢赴糶之人正自不乏其中年力  
未衰者尚可傭工度日惟有鰥寡孤獨以及夫男  
遠出祇存妻子在家者除前經收入善濟堂足資  
存養外尚有不願收入善濟堂者叢叢待哺急宜

撫恤臣與司道酌議通飭各屬逐一確查按照普濟堂之例大口日給米八合小口減半以兩月為期可以接至秋成現在一面查報一面散給川縣若州縣力不能捐臣等公同捐給務期荒獨不致失所等語此等窮困之民國家自應加恩惠養其養贍之資動用存公銀兩為是若散給州縣令地方官捐貲豈朕保赤之意張廣泗不識大體可申飭之

八月十七日奉

上諭山東今年偶被偏災現在開倉賑濟但積貯未能存在充裕如有倉穀不敷之州縣勢必銀穀兼賑向例折銀五錢作穀一石按口散給朕思東

省被災之地穀價必昂五錢之價恐有不敷者加  
恩每穀一石於舊例外再增一錢折給俾領賑貧  
民購買不致艱難共需實惠該部即遵諭行

十二月初六日奉

上諭山東今歲濟東武三府徧被旱災雖現在加  
恩蠲賑但念來歲春秋未接之候被災獨重之區  
遽行停賑小民難以謀生著於今冬例賑之外將  
陵縣德平平原德州衛惠民樂陵海豐濱州商河  
霑化武城等十二州縣衛成災六七八九分之極  
貧者加賑兩個月七八九分之次貧者加賑一個  
月其糧即於撥穀截漕內通融散給其或本色借  
難需用即照恩加一錢之例均勻折給此十二州



縣衛成災五分之戶不得與賑者仍照例酌借口糧該部即遵諭速行

乾隆九年正月初二日奉

上諭上年直隸天津河間等處收成較薄貧民乏食朕宵旰焦勞多方區畫惟恐一夫失所總督高斌又遵旨酌議明歲加賑並奏請動支司庫間款銀兩於停賑後為接濟民食之用朕既已俞允惟是上秋被旱之後冬月雨雪又少麥苗待澤甚殷東作方興之時麥秋收成未卜窮民尤堪軫念著高斌詳察本地情形若於從前定議之外有應加賑月分者據實陳奏朕當格外加恩

初九日奉

上諭上年直隸天津河間等處收成數薄冬月雨雪又少今當東作方興之時春秋未卜深屋朕念是以前經降旨令高斌詳察本地情形若於從前定議賑恤之外有應加賑月分者據實陳奏當格外加恩今據高斌覆奏天津府屬之天津縣河間府屬之肅寧故城寧津順天府屬之大城保定府屬之束鹿深州本州並所屬之饒陽安平冀州屬之衡水又續報保定府屬之新城共十一州縣原屬偏災業按分數給賑民情大勢寧謐但與災重之十六州縣地界毗連青黃不接之際生計仍屬艱難應請照恩旨按前賑戶口再加賑一月以資接濟於地方實大有裨益等語著即照高斌所奏

將此十一州縣按冊再加賑一月該部即遵諭速行

二月初九日奉

上諭上年江南淮徐所屬歉收之州縣朕已諭令該督撫悉心體察撫綏安輯不使窮黎失所但聞海州贛榆二州縣地瘠民貧又當積歉之後其艱窘之狀較之他處為甚計賑濟之期正二月便當停止此時去冬熟尚遠民食艱難朕心軫念著於原議之外將極貧者加賑四十日次貧者加賑三十日以恤窮困又聞鹽城銅山沭陽三縣其情形較海贛為輕而較他處則稍重停賑之後亦應量為籌濟著該督撫酌量速辦

十一日奉

上諭上年天津河間深州等屬十六州縣被災較重朕已格外加恩賑濟撫綏毋令貧民失所但今已屆仲春雨澤未降二麥收成不能期必倘青黃不接之際已經停賑恐貧民仍不免乏食朕心軫念殷切此十六州縣著於從前議定之外再加賑月分以濟民食總督高斌可分別妥議具奏早為辦理其或米穀不敷著一併豫籌以備一時之用該部遵諭速行

十九日奉

上諭朕因直隸天津河間深州等屬上年被災較重今春雨澤未降麥收未能期必恐停賑之後貧

民不免乏食者高試分別妥議於從前定議之外  
再加賑月分以接濟窮民並豫籌米穀以備臨時  
之用今據高試奏稱查現在次貧之民前議賑至  
二月上極貧之民賑至三月止今遵旨加賑應將  
次貧再加三月一個月極貧再加四月一個月但  
次貧情形不一各鄉莊被災輕重亦不同除次貧  
內現在乏食仍須接濟者照常加賑一月外其有  
加賑一月尚不能支持無異極貧者若止照次貧  
加賑一月仍恐不能自存應同極貧一例加賑至  
四月為止此應賑之民若全給本色更於民食有  
益約計需米三十萬石仰懇敕下倉場侍郎於通  
倉內照數給發即令被災州縣自雇船隻赴通請

領其水脚照例報銷等語著卽照高試所議速行  
其一切查辦事宜著飭原辦之道府親赴各州縣  
督率辦理務令貧民均霑實惠

三月十六日奉

上諭直隸地方至今尚未得雨朕心甚為憂慮上  
年天津河間等處被災最重是以加意籌辦今思  
早象漸形不特兩郡為然其他處亦應早為計及  
若今日得有雨澤猶可望其有收倘致成災則撫  
卹之方或應借給或應平糶俱當先事豫圖其各  
處倉穀足用與否亦須酌其盈虛妥協辦理種種  
籌備之法該督高試尚未奏聞以慰朕懷在高試  
之意不過以災尚未形惟務鎮靜但恐州縣各官

惟事因循不知先期區畫且有以諱災於高試者  
矣可寄信與高試令將一切應行經理事宜豫為  
籌酌雖不必過為聲張使百姓妄生希冀亦斷不  
可視為緩圖務必悉心計議為未雨綢繆之策毋  
致臨事周章

二十七日奉

上諭山東德州海豐樂陵陽信德州衛五州縣衛  
上年遭值旱災聞今春又復少雨冬秋久望窮民  
艱於謀食著該撫酌量各處情形加賑四月一個  
月毋令窮民失所該部即速傳諭該撫知之

四月十三日奉

上諭直隸河間天津深州等屬十六州縣上年被

災較重今春雨澤愆期朕恐二麥收成不能期必  
小民東作方興已降旨於停賑之後再加賑四月  
一個月以資其力作目今雨澤稍遲麥收已經失  
望而秋田收穫尚早此際若不格外加恩恐貧民  
仍不免於乏食著再加賑五月一個月該部即便  
諭總督高斌先期籌畫速行辦理

二十四日奉

上諭前因山東德州海豐等五州縣銜上年被旱  
今春又復少雨已降旨加賑四月一個月以濟貧  
民今據喀爾吉善奏稱德州平原縣平原高河濱州  
霑化惠民利津八州縣雨澤未佈二麥黃萎小民  
艱於謀食請照德州等五處之例加賑一個月等



語今四月將盡而該撫始奏請殊屬遲緩著飭行所請依議速行所需米石即於現截漕內補給如有不敷即照每穀一石折銀六錢之例動項折補該部即行文山東巡撫喀爾吉善令其速為辦理

八月二十三日奉

上諭江西巡撫塞楞額奏稱江省所屬玉山德興樂平宜黃四縣於七月初六日等日山水陡發居民被淹已飭布政使遴委官員分頭查勘隨帶銀兩撫恤賑濟至有應行題奏之處俟臣出關之日逐一分別辦理等語江省玉山等四縣山水陡發居民被淹朕心深為軫念雖據塞楞額奏稱已經委員查勘賑恤其一切應奏之處亦應即行題奏

辦理不必待至出閘之後可即傳諭塞榜額知之

九月十三日奉

上諭今年浙江所屬被水之州縣頗多常安具摺奏報時朕恐其不無掩飾屢次硃批切切訓諭令聞嚴浙所屬地方有被水較重之處而淳安縣為尤甚近城之水竟長至二三丈不獨田廬禾稼受淹卽民人亦多傷損且貧民乏食竟有搶奪鋪戶食物並強賒商米等事常安俱未據實奏聞止稱間有一二愚民强行借貸其被水之民已委員給賑一月口糧看來常安之奏報災傷顯有粉飾其辦理賑務亦覺草率可即傳諭申飭之令其加意撫綏毋使小民失所

二十九日奉

上諭浙江今年被水之州縣甚廣其中有受災甚重之處業經那蘇圖周學健先後具奏從前常安有諱災粉飾之意朕心深為軫念已屢次降旨申飭諭令盡心撫恤毋使小民失所今思該省被災既重民人損傷田廬墳墓多有漂沒當此急迫之時若仍照例辦理則民困仍恐未蘇非朕救濟災黎之本意所當格外施恩多方籌畫務使早登衽席可即傳諭該督撫等令其毋拘成例即速賑濟一面辦理一面奏聞至該省既被災較重恐將來有需米接濟之處著將明年解京漕糧內截留十萬石以為備用該部遵諭行

孚惠全書卷二十九

偏陽賑借三

乾隆十年正月初三日奉

上諭上年冬月

天降瑞雪南北各省被澤之處甚多麥田普霑滋潤京師於臘月二十六日六出繽紛積地四五寸許朕感激

天貺益增敬畏之忱今思河間天津等府前歲荒歉上年晚田幸獲有收間閭得以安輯而慶雲鹽山等縣尚有偏災總督高斌已遵旨料理蠲賑兼施多方補救以蘇窮困但此等地方於積歉之後小民度日勉強支持茲當東作方興恐有不能盡

力於雨畝者朕心軫念著高議轉飭有司確加訪  
察於寒苦之民再施恩澤以扶持之或有覓食於  
外鄉者則當招致回籍酌量支助以復故業無荒  
田上再上年浙江嚴衢等處被水頗重朕嚴飭常  
安加意撫綏毋得忽視後據常安奏報已經安甯  
妥協小民不至失所朕心稍慰但一年之計在於  
春今當耕種之時著常安督率屬員確查本地情  
形若於上年奏准條款之外再有應行加恩之處  
一面奏聞一面辦理該部即遵諭速行

初八日奉

上諭據安徽署撫準泰奏稱上年徽寧等屬秋被  
水災急需賑濟其中歙縣休寧婺源三縣產米素

少經臣等奏請於撥協本色之外將不敷之米照  
依乾隆七年米貴折賑之例每石給銀一兩二錢  
部議未准但查徽屬之歙休婺三縣所需賑糧頗  
覺浩繁而該地山環宿障不通舟楫挽運維艱目  
今豫撥之米已經散給尚多不敷而災歛之後糧  
價漸昂仰懇俯照原題每米一石折銀一兩二錢  
俾山僻災黎得以隨時買食等語徽州所屬三縣  
上年山水暴發淹沒田廬雖係偏災然猝不及防  
民困可憫且彼地僻處萬山之中平日米少價貴  
非他處可比其散賑不敷之米著照準奏所請准  
以一兩二錢給發以示優恤他處不得援以為例

二月初七日奉

上諭上年浙江嚴衢所屬地方被水歉收朕已諭  
總督馬爾泰巡撫常安等加意賑恤務使窮民不  
至乏食隨據馬爾泰常安奏稱已將被災民人一  
一確查分別極貧次貧核實散賑米糧並加添折  
賑米價窮民不致失所朕心稍慰但朕聞得淳安  
建德常山開化四縣田廬俱被沖淹非別處被災  
可比又紹興府屬之諸暨山陰縣之天樂鄉及蕭  
山縣湖南一帶地方田內現今存水不能栽種春  
花民情仍屬拮据以上諸處著於三月內再加賑  
一個月以接濟之該部可即速行文該督撫遵諭  
辦理

九月初三日奉

上諭據巡撫喀爾吉善奏濟寧魚臺滕縣嶧縣郯城臨清衛海豐七州縣衛偶被偏災現在查明賑恤所需賑糧如倉穀不敷就近撥濟再有不足銀穀兼賑每穀一石照例折銀五錢等語朕思被災之地穀價必昂災民所領折價恐或不敷買食著於舊例每石五錢之外再增一錢折給俾得從容購買以示朕加惠災黎之意該部卽遵諭速行

初三日奉

上諭據尹繼善奏黃河南岸阜寧縣陳家浦隄工因七月內水勢陡長大溜直射隄根坐墊二十餘丈漫淹官莊民地廟灣場廩所有被災兵民廩丁現在撫恤又銅山蕭縣等處沿河窪地俱有被水



之處再上江之鳳潁等屬亦因雨水稍多淮河泛漲宿州鳳陽等州縣秋田被淹輕重不等其乏食貧民先行撫恤一月俟勘明成災分數分別辦理等語上下兩江被災各屬乏食貧民深可厯念該督撫其善體朕心加意撫恤以拯災黎務俾安輯此時正當開徵之期著即將被災各州縣所有應徵各項錢糧暫緩徵輸俟查明按例辦理准徐經七年被災之後雖極力賑恤恐元氣未復一應賑恤諸務著該督撫即速確查隨時善為辦理無致一夫失所轉瞬寒冬窮民內有室宇坍塌無所棲止者尤堪軫恤官給蓋屋銀兩未免不敷該督撫督率屬員加意妥協料理務令各有寧居以

割朕深求民瘼之上意朕思上江之鳳翔泗下江之淮徐海各屬瀕臨河湖屢遭水患自乾隆七年異漲之後朕特遣大臣會同督河諸臣通盤籌畫不惜帑金次第修舉為奠安民生之計意謂數年之內可保無虞乃尹繼善等並未有所設施致令今歲復遭水患甚非倚任之意若此番辦理災賑事宜更不悉心妥協則咎有攸歸矣該部即遵諭飭行

十六日奉

上諭今年宣化府所屬夏秋缺雨其成災州縣已據總督那蘇圖題明賑濟四個月至明年二月停止今朕回鑾經過見該處被災頗重邊地多寒計

來歲麥秋尚在五六月內恐停賑之後小民未免  
乏食其如何加賑之處著該督留心豫為籌畫臨  
時的量情形奏明辦理

十一月初八日奉

上諭今年上下兩江有被災之州縣朕心深為軫  
念屢頒諭旨令該督撫加意賑恤無使乏食其至  
廬坍塌無所棲止者官給蓋房銀兩未免不敷亦  
令加意料理項尹繼善奏稱舊例官給修房之費  
上江瓦房每間四錢草房三錢次貧者各減一錢  
下江瓦房每間七錢五分草房四錢五分等語朕  
思時屆三冬小民被水之後不獲寧居寒苦可憫  
著於瓦房草房定例之外每間加增銀二錢俾窮

民力量有餘及時繕完屋宇以昭朕格外加恩之意民竄亦一例加增該部即遵諭行

二十六日奉

上諭宣屬今歲被旱較北地方朕降旨加賑一月閭閻尚不致失所第念天津府屬慶雲縣僻處海濱頻年被旱恐明歲停賑之後青黃不接貧民鋤口無資著加恩於明年三月內再行普賑一月以示朕重恤災黎之意該部即遵諭行

十二月十三日奉

上諭今年上下兩江有被災之州縣朕已諭令該督撫其室廬坍塌無所棲止者俱賞給修房之費於常例外加增銀兩俾得及時繕完屋宇以安其

身今聞淮安所屬之阜寧縣連被水患因係渾水所過之地淤高數尺柴草淹沒於泥沙之中採買艱難倍於他邑官賞之銀恐不敷用著於草房一間賞銀六錢五分之一外再加增三錢以資窮民繕葺該部即遵諭行

乾隆十一年正月二十四日奉

上諭去年上下江被災州縣經朕降旨加恩賑恤並截留漕米以資接濟閭閻諒不至於失所惟是各屬賑期俱至正月而止今春逢閏計去冬熟尚遠恐災重州縣百姓難免拮据著加恩將被災較重之宿州靈璧虹縣亳州蒙城阜寧安東清河桃源銅山邳州睢寧海州等州縣極貧加賑兩個月

次貧加賑一個月被災次重之泗州盱眙鳳臺懷遠太和宿遷蕭縣沛縣沐陽等州縣無論極次貧民俱加賑一個月其各衛隨坐落州縣一體加給俾窮黎不致乏食該部即遵諭速行

二月初二日奉

上諭山西大同等州縣去年偶被秋災該撫查明分別題請賑恤朕已降旨先行令思大朔等屬地瘠民貧近處邊陲較之他處更為寒苦其被災各屬賑期俱至三月為止今歲適逢閏月恐停賑之後正當青黃不接之時貧民餬口無資朕心軫念著將大同懷仁廣靈應州渾源山陰靈邱陽高天鎮朔州馬邑定襄十二州縣極次貧民俱於閏三

月再各加賑一月俾小民不致失所該部即遵諭速行

閏三月初三日奉

上諭上年宣化所屬地方被旱穀收朕已疊沛恩施俾災黎不至失所查從前定議賑濟之期至今年二月停止經朕復加恩不分極貧次貧於二月之外再善行加賑一個月以資接濟今思宣府被災之後春間雨澤又少且彼地不種二麥此時去歲田收獲之期尚遠青黃不接窮民難以餬口朕心深為厯念著於三月加賑一月之外再加賑閏三月一個月著即傳諭該督那蘇圖遵旨速行辦理

初四日本

上諭上年淮徐等屬被災州縣經朕屢降諭旨加恩賑恤今春因麥熟尚遠亦已再行分別加賑俾閭閻不致失所但思旱災縣鄰近海濱地勢窪下被災較重非他處可比聞上年被淹之後至今渰深數尺尚難耕種麥收已復無望著將被災民戶竈戶無論極貧次貧於停賑之後再行善賑一個月俾窮黎接濟有資不致乏食該部遵諭速行

初五日奉

上諭直隸州縣中惟慶雲最為寒苦近年以來連遇荒歉朕心深為廑念昨據那蘇圖奏稱三月停賑之後查明成災卹莊酌借口糧以資接濟朕又



經降旨發帑買牛糞并種樹俾瘠土得有起色今  
思本年通直閏三月當此青黃不接之際小民謀  
食更屬艱難著於停賑之後再加賑一個月可即  
諭那蘇圖辦理

二十日奉

上諭順天所屬之延慶衛上年被災雖屬少輕然  
彼地只賴秋收一次百姓此際未免艱難著照延  
慶州一體加恩賑濟一個月該部遵諭速行

五月初一日奉

上諭畿輔地方自閏三月四月以來屢次獲有甘  
霖四野霑足惟是鹽山慶雲寧津三縣雖亦各得  
雨澤究未深透鹽山慶雲原是上年災重之地彼

地貧民先經借給籽種口糧料此時想民告匱著  
按照人口小口再借口糧一個月以資接濟其寧  
津一邑上年雖非災歉而目今雨澤稍愆著按畝  
借給籽種粟米四升以資耕作再此三邑民間米  
糧未免短少市糴艱難著於糴三之外分撥倉糧  
每石人為減價城鄉設廠糴賣俾閭閻不致乏食  
該部遵諭速行

二十三日奉

上諭據尹繼善奏稱江南上江之靈璧下江之銅  
山沛縣昨寧沐陽蕭縣於四月初八十三等日間  
有被雹之處打傷二麥秋禾已委員確勘照例出  
借口糧並借給籽種令其及時補種以望有秋等

語朕思靈璧等六縣皆係上年成災之處今復被  
雹竇堪憫惻若所借口糧秋收後仍令完納民力  
未免艱難著將現今出借一月口糧作為撫恤免  
其償還該部即傳諭該督撫知之

六月十六日奉

上諭朕聞廣西桂林等府屬於四月二十七等  
日雨水過多江水暴漲沿江一帶之桂林靈川等  
縣低窪地畝多有被淹之處兵房民屋間有倒塌  
者朕心軫念著署巡撫鄂昌遴委幹員分行查勘  
加意撫恤務令妥協辦理毋貳失所再此外或有  
被水州縣亦著查明一體辦理並將實在情形現  
在如何辦理之處即具摺奏聞該部遵諭速行

七月初一日奉

上諭據廣東巡撫準奏奏報廣州府屬之南海三水順德肇慶府屬之四會鶴山開平恩平南雄府屬之始興韶州府屬之曲江仁化英德乳源等縣因大雨水發有被衝田畝園基房舍之處民人間有傾壓淹斃者定例夏災止有借貸口糧籽種未及賑恤之條等語朕心深為軫念著將實在乏食貧民給與一月口糧所有沙壓田畝倒塌房屋及淹斃人口令該撫查明俱著加恩分別撫恤其被災稍輕應須借給口糧籽種者即行借給秋後免息還倉俾被水民人均需實惠無貽失所該部遵諭速行

初三日奉

上諭據尹繼善奏稱六月初旬大雨時行又兼上游之水同時匯注以至運河宣洩不及邳州宿遷桃源清河安東各州縣水漫邨莊現在委冒確勘先行撫恤海州所屬贛沐二縣近河邨莊亦多漫水飛飭確勘動項撫恤等語現在水漫之各州縣俱係上年被災之地今秋禾又復被淹朕心深為軫念著該督撫等加意賑恤遴委妥員善為料理俾災黎早登衽席又奏稱上江鳳臺縣淮河水長蒲河最低之田間被水淹雖為數無多受災亦輕著一體撫恤該部即遵諭速行

二十一日奉

上諭江南山安海防兩廳屬所轄黃河南北兩岸  
隄外灘地如遇水漲之年田禾不免被淹聞今年  
秋汎之水較往年更大灘上居住之民房俱被淹  
浸幸未淹之前居民見水勢漸長陸續搬移隄上  
搭蓋席棚以蔽風雨但田禾無收將來難以餬口  
著該督撫即速委員將被水窮民確查明白加意  
妥協賑恤毋令失所該部遵諭速行

二十七日奉

上諭今年直隸通省雨暘應時田禾豐稔惟近日  
宣化縣所屬之邨莊有被雹之處輕重亦不等被  
雹雖向無賑濟之例朕念彼地上年被旱百姓度  
日艱難今年夏月幸獲雨澤秋成有望而此被雹

之處又復不免向隅朕心軫念著該督委員確查  
將被災較重之地酌量賑恤該部即遵諭行

八月初五日奉

上諭山東省今夏被水各州縣據巡撫喀爾吉善  
後先題報查勘分別辦理除勘實成災各屬已加  
恩蠲賑外其餘不成災州縣雖被淹稍輕晚禾收  
成完屬歉薄朕心軫念著喀爾吉善查明各州縣  
實在無力貧民按戶酌借口糧按畝酌借麥本俾  
得及時播種秋麥所有借給麥本銀兩於來歲麥  
熟後徵還出借口糧於來歲秋收後免息徵還此  
等被淹地畝本年應徵錢糧著緩至來歲麥熟後  
啓徵以紓民力該部即遵諭行

初十日奉

上諭今年下江之淮徐上江之鳳潁泗所屬州縣  
多被水災朕心軫念已命督撫等設法加意賑恤  
其居民房舍被水衝塌之處向例給資修葺七年  
被災最重朕於定例之外曾加賞銀兩今積數之  
餘百姓生計已屬艱窘今又遭值水患民力自多  
拮据著將上下江被水之地於定例之外照七年  
之例加賞俾坍塌房屋及時繕葺早得寧居該部  
即遵諭行

十七日奉

上諭山東省東平等州縣銜秋禾偶被偏災現在  
降旨賑恤照例銀穀兼賑惟是折徵銀兩向例每



穀一石折銀五錢今被災較重穀價必昂恐災民  
所領折價不敷買食上年濟寧等處被水賑濟曾  
降旨每石六錢折給此次東平等州縣銜折賑銀  
兩亦著加恩照前增給俾災民從容購買該部即  
行文該撫知之

十七日奉

上諭今歲江南之淮徐海三屬河湖水漲所有災  
民俱令照例賑恤但被災較重之州縣若照常加  
賑恐冬末春初賑期已滿小民仍不免於困苦著  
將被災較重之邳州宿遷桃源沐陽沛縣睢寧清  
河安東阜寧海州十州縣令該督撫查明應賑月  
分酌量加展妥協辦理具奏以聞俾民食得資接

濟該撫卹遵諭速行

九月二十九日奉

上諭河南鄆陵等二十六州縣今歲夏末秋初雨水過多窪下之區秋禾被淹致有偏災已據該撫奏明的借貧民口糧奏種照例先賑一月惟是轉瞬寒冬恐災黎鋤口無資朕心軫念著巡撫碩色查明該州縣被災輕重酌定加賑月分奏明辦理其加賑口糧在倉儲充裕之州縣均動支本色倉穀散給此內永城鹿邑夏邑睢州柘城淮寧太原扶溝八州縣據奏倉穀不敷散給著准其銀粟兼賑但以銀粟賑定例每石折給銀五錢被災州縣糧價必昂照定例折給恐不敷購買著加恩於定

例之外每石加給銀一錢俾貧民得以從容買食  
巡撫顧色督率屬員悉心經理務使災黎得需寄  
惠該部即遵諭行

十月二十二日奉

上諭上下江被水地方朕已加恩賑恤切諭該督  
撫實力撫綏無令失所其營兵惟賴月糧養贍但  
該處既屢歉收米價自必昂貴窮兵度日不無拮  
据朕心深為軫念著將鳳潁泗淮揚徐海等處被  
災地方各營兵丁於十二月內借給一月鉤銀明  
年四季扣還以資接濟

十一月初五日奉

上諭今歲山東被災州縣朕已加恩賑恤又經分

別加賑以濟民食但聞壽光樂安博興金鄉魚臺汶上濟寧東平八州縣被災較重歲內支領賑銀尚可餬口來春去冬秋尚遠食用未免艱難若於例賑之外極貧再加賑兩個月次貧再加賑一個月於來歲二三月間按月給發務使貧民均霑實惠該部遵諭速行

十八日奉

上諭今歲山東被災州縣朕經疊次加恩賑恤復念沂州府屬之郯城縣本年被水成災亦止八九分且該縣地瘠民貧來春未免拮据著照壽光等八州縣之例極貧加賑兩個月次貧再加賑一個月俾得均霑實惠該部即遵諭速行

十二月初六日奉

上諭今歲江南邳州等十屬被災黎民朕已令該督撫查明應賑月分分晰加展賑恤今思山陽高郵寶應甘泉銅山蕭縣贛榆七州縣被災雖為次重而與災重之邳州等屬邑界毗連其困苦情形應亦不甚懸殊著將此七州縣被災十分九分者無分極次貧民概行加賑兩個月被災八分七分者亦無分極次貧民同被災六分之極貧概行加賑一個月俾災黎得資接濟該部即遵諭速行

初七日奉

上諭江南上江之鳳潁泗所屬被災州縣朕已加恩賑恤因念該州縣皆積歉之地來年正月賑畢

以後未免度日艱難著將宿州靈璧虹縣亳州泗  
州五河六州縣被災十分九分之極貧加賑三個  
月次貧是被災八分七分之極貧加賑兩個月被  
災八分七分之次貧及被災六分之極貧加賑一  
個月至鳳陽懷遠臨淮鳳臺潁上蒙城太和舒昭  
天長九縣被災雖屬次重但民間家鮮蓄藏亦應  
一體加恩著將被災十分九分之極次貧民均加  
賑兩個月被災八分以下之極次貧民均加賑一  
個月各衛隨坐落州縣一並加展俾小民得資接  
濟該部即遵諭行

十八日奉

上諭據兩江總督尹繼善奏稱上下江被災之地

蒙恩加展賑恤月分所需賑糧為數既多應本折兼放等語查向例本折兼放每米一石折銀一兩取思災輕州縣猶可按例給發若被災較重之州縣亦照舊例折給民食自覺艱難著將上江災重之宿州靈璧虹縣泗州五河亳州六州縣下江災重之邳州宿遷睢寧桃源清河安東阜寧沛縣海州沐陽十州縣米年加展月分之折價每米一石加增二錢俾災黎均需實惠該部速行知之

二十六日奉

上諭江南淮徐海等屬災民朕已特沛恩膏令地方官妥協辦理其鹽竈向不在加賑之內但思各場多坐落被災州縣雖與民戶所業不同亦當一

體加恩以示優恤著將被災九分之荒清場竈戶  
無分極貧次貧概行加展兩月被災八分之板浦  
徐清中正臨洪興莊五場竈戶無分極貧次貧加  
展一月俾得接濟有資以紓竈力該部即遵諭行

平惠金書卷二十九



平惠金書卷三十

偏陽賑借四

乾隆十二年正月初四日奉

上諭江南淮徐海等處地方朕已疊次加恩至再  
至三地方有司遵旨辦理小民自當不致失所但  
向未定例俱按被災分數賑恤今思積穀之餘元  
氣一時未復其被災九分者應否照十分之例加  
賑著該督撫酌量該處情形詳議以聞

十二日奉

上諭上年直隸秋成豐稔惟薊州寶坻寧河豐潤  
玉田五處低田間有被水淹沒者已經加恩撫恤  
分別給賑惟是去年積水未涸之區不能及時布

種今東作方興正可補種春麥著該督那蘇圖確  
查無力人戶按畝酌借倉穀俾貧民得以易換麥  
種早事耕作收成免息還倉該部遵諭速行

十七日奉

上諭山東被災州縣朕已疊次施恩加展賑恤月  
分即春月青黃不接之時災黎均得鋤口惟是被  
災六分之次貧上年雖薄有收穫而春來勢漸艱  
窘但格於定例不在加賑之內不無向隅之苦著  
將壽光樂安博興金鄉魚臺汶上濟寧東平鄒城  
等九州縣內被災六分之次貧加恩給賑一月以  
資接濟

十九日奉

上諭上年山東被水地方已於例賑之外分別加賑今朕思萊州府屬之平度昌邑雖縣高密四州縣被災雖止六七分不等然當此東作方興一經停賑恐災黎或致失所著將平度等四州縣無論極次貧民再加賑一個月於二月內給發以資接濟該部即遵諭行

二月初二日奉

上諭鹽山慶雲二縣地瘠民貧朕已疊次降旨令該督加意撫綏且緩帶徵年分地方官遵照辦理當可望其漸有起色但該處上年秋成雖有六七分而無地貧民尚或未免拮据今東作方興雨澤未降或應平糶倉穀以資接濟或應借給籽種以

惠耕畝該督查看情形酌量奏請其現行之種樹  
穿井等事實心查辦務期於該地方實有裨益以  
副軫念

二十日奉

上諭山東省蘭山縣去秋被災雖止五分而入春  
以來尚未得雨小民艱於粒食若僅借給口糧恐  
未足以資接濟著該撫阿里衮查明實在乏食貧  
民加恩賑濟一月俾耕作有資毋致失所該部遵  
諭速行

三月十一日奉

上諭山東臨清衛上年被水成災坐落濟寧魚臺  
之十三屯因分數較輕未邀加賑但念該處連被

災傷當此青黃不接之際小民餬口艱難著照濟  
寧等處之例極貧加賑兩月次貧加賑一月以資  
接濟其郛城縣從前遺漏戶口著該撫查明補給  
一月賑糧以免匱乏至被災各該縣境內有上年  
秋成少數尚未成災者雖非被災民人可比但與  
災地俱屬毗連輸將未免拮据所有應徵舊欠錢  
糧亦著加恩緩至麥熟後開徵俾民力得以稍紓  
該部遵諭速行

十二日奉

上諭上年豫省被水州縣已經按例賑恤俾災民  
不致失所惟歸德府之永城鹿邑夏邑商邱柘城  
五縣連年歉收當此青黃不接之時農務方殷小

民正資接濟著該撫查明將此五縣被災六分  
之極貧及七分以以上極次貧民加恩展賑一  
月使食用有資安心及時耕作該部遵諭速行

五月初七日奉

上諭上年山東被水各府州縣衛屢降諭旨分  
別賑恤朕又念歉收之後宜加意撫綏復經降  
旨令該撫將被水州縣於現在賑卹之外酌量  
加賑以資接濟今據阿里衮奏稱安邱諸城二  
縣原報被災五分之各卹莊例不加賑但今春  
雨水短少米價昂貴小民謀食艱難其餘原  
未報災之各卹莊雖稍有收穫歷今半載有  
餘窮乏之戶口未免拮据請加賑一個月等  
語安邱諸城二縣無論已未成

災俱著加賑一個月俾貧民餬口有資勿致失所  
該部即遵諭行

六月十八日奉

上諭江南沛縣銅山二邑於本年夏初禾麥被雹  
間有損傷之處該督撫借給一月口糧以資補種  
朕念銅沛二邑連歲歉收若照例於秋後繳還民  
力未免拮据著加恩將現在借給口糧作為撫恤  
之資免其秋後還項

八月初六日奉

上諭據安徽奏稱蘇松等屬之崇明寶山上海鎮  
洋常熟昭文南匯江陰各縣沿海沿江等處於七  
月十四日夜颶風陡作大雨傾注海潮泛溢田禾

被淹人民房屋亦有漂沒衝坍而崇明寶山為最  
重上海鎮洋似覺亦重現在分別查辦其沿海未  
經報到之處查明請奏等語該處民人倖被風潮  
非尋常水災可比朕心深為憫惻著該督撫等加  
意撫恤實力查辦至綠旗兵丁因有糧餉倒不撫  
恤但是日風潮昏夜驟至兵丁廬舍人口同被災  
傷殊可軫念著加恩一體查恤俾被災兵民均霑  
實惠

十二日奉

上諭據河南巡撫碩色奏報開歸陳汝等屬因今  
歲雨水過多以致秋成失望其鄆陵等二十七州  
縣勘明已成偏災等語朕心深為軫念真被災州



縣應卽行賑恤而歸德陳州連年被水尤宜加意撫綏著該撫查明或應加賑或應借糶督率屬員詳急辦理務使小民均需實惠毋致失所該部遵諭速行

十五日奉

上諭前據安寧奏報蘇松等屬海潮泛溢人口田廬間有漂沒朕已降旨將被災兵民加意賑恤今又據安寧續奏現在災地情形雖輕重不等而小民猝被風潮棲身無所餬口無資朕心深為軫念此次被災既重非尋常水旱可比一應賑恤之事不可拘泥常例該督撫等惟視災地情形竭力撫恤督率有司悉心查辦俾災黎不致失所並將上

下兩江明歲應運漕糧截留二十萬石以備將來  
賑糶之用該部遵諭速行

十八日奉

上諭據差往查賑蘇尼忒等六旗被災窮人尚書  
那廷泰奏稱烏珠穆秦親王阿拉坦那穆札爾貝  
勒策卜登阿霸孩郡王索諾穆拉布坦阿霸哈那  
爾貝子班朱爾等四旗被災較輕而其屬窮蒙古  
二萬餘人俱已辦理在本旗內兼養無庸賑濟等  
語該札薩克等如是辦理雖係伊分內之事朕甚  
嘉焉此四旗窮人兼養資助人等著特恩將王貝  
勒貝子公等賞給半年俸祿其副台吉各賞銀四  
十兩小台吉各賞銀二十兩官員白人喇嘛賞給

源工牲畜分例之處俱照去年烏爾卡察布楚爾  
漢所辦加恩辦理

十八日奉

上諭此次蘇尼堪等六旗蒙古被災較重非尋常  
被災可比現在查賑窮人辦給牲畜為業所需銀  
兩俱著動支庫項賞給該王貝勒等次年俸祿停  
止扣除仍賞伊等以為養贍其下之費餘依議

八月二十四日奉

上諭浙江今年被水州縣朕已降旨令該督撫分  
別撫綏其嚴州府屬之壽昌淳安遂安三縣被水  
尤重將來嚴冬即屆此等災黎嗷嗷待哺朕深為  
軫念著加恩將三縣內田地不能墾復之乏食貧

民於常例撫恤一月外再賑給兩月俾資養贍著  
該撫常安督率屬員實力查辦其有無更須籌畫  
之處亦著該撫就近相度加意詳籌辦理務使災  
黎得需竒惠

二十七日奉

上諭據直隸總督那蘇圖奏稱直屬被水州縣有  
成災較重之天津靜海文安大城霸州永清武清  
津軍廳等八州縣廳應請照例先行撫恤一月口  
糧其成災較輕之河間任邱南皮青縣滄州慶雲  
寶坻七州縣毋庸普賑但其中極貧下戶口食難  
艱應請一例摘賑撫恤一月口糧等語朕思慶雲  
一縣此處成災雖輕但該處屢被荒歉地瘠民貧

朕甚軫念著照被災較重之天津等處一例著給  
餘著照該督所請分別賑恤俾民食得資接濟至  
北十五州縣廳屬既被災所有應徵錢糧小民  
輸納必多拮据著加恩將該處應徵新舊錢糧暫  
行緩徵以紓民力該部遵諭速行

九月二十八日奉

上諭山東被水之齊河等州縣成災加賑有因倉  
糧不敷銀穀兼賑者定例每穀一石折銀五錢但  
思東省連歲歉收今年被災亦非尋常可比現在  
糧價高昂照例折價恐不敷購買所有加賑口糧  
著加恩於每石五錢之外增銀一錢折給俾窮黎  
得資接濟此出格外特恩不得引為成例該部遵

諭速行

十月初五日奉

上諭江蘇蘇松等屬沿海被災之地現在加恩按月給賑經大學士高斌會同該督撫等酌議銀米兼發折賑定例每米一石折給銀一兩但思今歲潮災較重竊不比尋常地方米價昂貴照例折價尚恐不敷著將崇明等九州縣折賑口糧每石增折銀二錢俾窮黎得從容購覓均需實惠

二十三日奉

上諭浙江嚴州府屬之壽昌淳安遂安三縣被水災黎所有極貧次貧戶口已於常賑之外加賑兩月俾餬口有資但思其中極貧之民覓食維艱殊

堪軫惻者再加恩添賑一月以資接濟

十一月十九日奉

上諭浙江淳安遂安壽昌三縣本年被水成災已降旨於常例撫恤之外加賑兩月但聞該處極貧災民所得兩月賑糧僅數目下鋤口當此嚴冬冰雪未免謀食維艱著加恩將此三縣極貧災民再行加賑一月以資接濟該部即遵諭行

二十四日奉

上諭今歲七月江南地方猝被潮災朕心深為軫念屢降諭旨令該督撫加意賑恤惟是賑濟月分至冬底已滿離來春麥熟尚遠恐窮黎仍不免替待之虞著將蘇松太所屬被災最重之崇明極次

貧民再加賑三月次重之鎮洋寶山太倉上海及  
南匯之浙鹽場極次民竈俱加展兩月又次之常  
熟昭文極次貧民俱加展一月其淮北所屬被水  
成災雖較江以南稍次但係積歉之區其災重之  
海州沐陽邳州宿遷睢寧銅山沛縣安東桃源九  
州縣內被災九十分者極次貧民俱加展兩月被  
災七八分者極次貧民俱加展一月其兩淮鹽場  
竈戶亦著一體加恩被災十分之荒清九分之板  
浦徐清中正臨洪興莊七分之伍祐極次貧民俱  
加展兩月六分之新興極貧加展一月次貧同五  
分之劉莊廟灣極次貧民俱加賑一月至衛軍貧  
生以及寄居場地之民戶各隨坐落地方分別照



例辦理俾得有資接濟該部即遵諭行

二十七日奉

上諭山東省被災州縣已加恩多方賑恤第念停賑之後來春民食未免艱難著將被災最重之東平等二十三州縣衛無論極次貧民概行加賑兩個月被災次重之齊河等六十州縣衛所極貧加賑兩個月次貧加賑一個月其鄒平泰安新泰萊蕪蒙陰費縣堂邑成災原止五分並各災屬內有被災五分貧民及被災六分次貧止撫恤一月口糧例不加賑又各災屬內有先被水淹旋經消落之處雖勘不成災與災地毗連收穫完屬較薄此等貧民歲內尚可支持來春青黃不接恐有乏食

之虞或應借給口糧或應加賑一月著該撫臨時  
確察情形酌量分別辦理再該省被災之處既多  
米價不無昂貴況來春賑借需用浩繁必米糧充  
裕方於民食有裨著將河南省漕糧內粟米全數  
截留並撥運天津北倉漕米共足二十萬石以資  
接濟其如何截留佳運之處著總督那蘇圖巡撫  
碩色阿里衮商酌妥協一面辦理一面奏聞該部  
遵諭速行

十二月初九日奉

上諭今歲直隸偏災順天府屬之霸州文安大城  
武清天津府屬之天津靜海為較重被災人民業  
已降旨加恩賑恤其兵丁例不領賑朕念伊等身

列戎行有差違巡查之役地方既遇歉收食用未免拮据著加恩將霸州等處駐劄各營兵丁於司庫建贖銀兩借給一季餉銀自戊辰年夏季起分作四季扣還以資目前用度該部即遵諭行

乾隆十三年正月初三日奉

上諭上年江蘇潮災惟崇明為最重朕已於例賑之外又加恩展賑至今年三月俾小民鋤口有資今思賑畢之後去冬秋猶有月餘或尚需接濟著該督撫臨期查看情形其有應行加賑之處即行具摺奏請該部速行文該督撫知之

初七日奉

上諭上年江南被潮被水州縣崇明等處已分別

加展賑恤至下江之阜寧蕭縣上江之宿州靈璧  
虹縣雖成災情形稍輕但地當連歲積歉恐正賑  
之後麥秋以前小民仍不免有失所之虞著將宿  
州靈璧虹縣蕭縣阜寧五州縣成災七分以上之  
貧民及衝所軍丁無分極次概行加展賑糧一月  
以資接濟該部即遵諭速行

二月初十日奉

上諭上年直屬被水成災天津等十五州縣廳業  
已加恩賑濟小民不致乏食但念天津靜海文安  
大城霸州永清武清慶雲津軍廳等處被災較重  
目下停賑將屆麥秋尚遠恐不足以資接濟其河  
間任邱南皮青縣滄州寶坻六州縣因被災較輕

業已停賑貧民未克拮据今朕巡幸所及屢惠宜  
施者加恩將此十五州縣廳再行加賑一月俾得  
善需惠澤所需米石令該督撫於北倉存貯漕糧  
內動撥該部即遵諭行

十六日奉

上諭上年東省收成歉薄朕加恩撫綏疊頒渥澤  
蠲除賑恤至再至三今與蹕親臨恩膏宜沛所有  
經過山東州縣內去歲被災地方應行賑濟之處  
著該撫於現經加賑之外再行查明的量加賑其  
餘州縣內有應行接濟者亦著該撫查明的量借  
糶該部遵諭速行

十九日奉

上諭山東上年被災州縣頗多雖屢次加恩賑濟  
期災民不致失所今親蹕巡歷深用惻然捐上益  
下厥有明訓以休以勛是謂常經其再加恩將經  
過被災州縣無論極貧次貧于現賑外著行加賑  
一月其不經過處所被災七分以上者極貧之民  
亦加賑一月以示優恤該部即遵諭行

御製山東上年被災州縣頗多雖屢加恩期災民  
不致失所而清蹕所歷深用惻然因再降旨  
加恩普賑一月以示優恤

齊魯民何辜連年未逢稔每念溝壑填深宮那安  
枕昨始入兗境所見猶未甚寸衷稍自慰為之食  
甘賸執知數日來觸景堪愁朕部落多蕭條老幼

率惜懷腹饑馱鴻哀衣薄狀鶴襟嚴屢加賑施未足蘇淒涼休助古有經損益道須審用是截漕艘急命發倉原賑災宇上臣旬宣其勤愆

三月初二日本

上諭上年陝省耀州等處雨澤未敷雖成災不及分數收成完屬歉薄照例借糶倉糧恐不足以資接濟著加恩將耀州渭南臨潼涇陽三原高陵富平咸陽醴泉大荔蒲城韓城白水邠陽朝邑澄城十六州縣實在乏食貧民令該撫查明賞給一月口糧銀兩仍令借糶兼行以資食用各該州縣應徵地丁尾欠一半著一併緩至秋熟徵收俾民力不致拮据該部即遵諭行

二十五日奉

上諭山東興修沂河兩岸隄埝工程該部議照以工代賑之例土方工價准給一半乃係向來成例自應照此給發惟是東省被災甚重其民情之艱窘寄非他處可比若拘常例給發恐赴工之民仍不足以餬口著加恩將此項土方工價按數全給俾其食用有資該部即遵諭行

七月十三日奉

上諭山西蒲州府屬之永濟臨晉虞鄉猗氏四縣絳州所屬之垣曲縣因上年冬雪稀少今春得雨稍遲麥收未能豐稔現據該撫奏明借糶兼施惟是今年遇閏節候稍遲去秋成尚遠且該縣等去



歲收成數薄今復二麥失收民食未免艱難若將此五縣麥收五分以下卹莊內乏食窮民咸予撫恤一月口糧折給銀兩俾得接濟其本年所借籽種倉糧錢至明歲秋成免息還倉以紓民力該部即遵諭行

十一月初二日奉

上諭山東鄒平等二十州縣本年秋禾被水現在查明賑恤所有銀穀兼賑之處向例每穀一石折銀五錢但思各該州縣頻年歉收糧價昂貴並或輓運維艱折價不敷買食未免拮据著加恩每石增給銀一錢俾災黎得資餬口該部即遵諭速行並傳知該撫留心察看量率屬員務令均霑實惠

初二日奉

上諭山東萊州府屬之高密平度膠州昌邑即墨五州縣當積穀之後本年復被水災民間牛隻不敷犁種若不豫為籌畫更恐坐誤春耕著加恩照乾隆十年直隸慶雲等縣之例於東省庫貯本年賑濟用剩銀兩內酌量動撥購買牛隻賞給俾小民力作有資以示惠濟窮黎之意

乾隆十四年正月初六日奉

上諭山東鄒平等二十州縣衛上年被水偏災而萊州府屬之平度膠州等處為獨重雖經降旨多方賑恤但按月計算此時賑務將次告竣去冬秋尚遠積穀之區青黃不接朕心深為屢念著將被

災最重之平度膠州高密昌邑四州縣無論極次  
貧民概行加賑一個月被災稍重之新城金鄉魚  
臺濟寧博興樂安六州縣極貧之戶加賑一個月  
仍照前例銀穀兼賑其餘災輕之處及時借糶以  
濟民食該撫準奏其督率屬員審心辦理務俾窮  
黎安居力作以待來收慰朕軫卹之意

三月初六日奉

上諭上年陝省西同鳳乾耀州等二十五州縣秋  
禾被旱成災業經多方賑恤小民餬口有資惟是  
目前已屆停賑而距麥秋之期尚有月餘該處積  
歉之後又經大兵過往軍需供億民力未免拮据  
著將西鳳乾等二十五州縣上年成災之區查明

極貧乏食災民再加賑一個月口糧折給銀兩俾  
得接濟以待麥秋副朕軫恤災黎之意該部即遵  
諭行

乾隆十五年六月初十日奉

上諭永定河南岸三工於五月二十九日河水驟  
長漫開月隄已命尚書汪由敦馳驛前往會同總  
督方觀承悉心相度有應搶築疏濬之處現今熟  
籌妥辦惟是附近固安縣一帶窪地梓被漲溜其  
間禾稼不免損傷民房不免倒塌深軫朕懷亟應  
加意撫恤俾無失所所有酌借籽種量給房價一  
切應行賑恤事宜即著公同籌畫一面奏聞一面  
辦理務令被水居民得需寄忠

二十五日奉

上諭據方觀承奏稱樂亭縣屬楊家莊三十六鄉  
於五月二十九日海潮乘風漫進田禾被淹潮水  
所過地畝均成鹵域或沙壓成灘不但目前不能  
補種晚禾將來恐即多成廢地等語樂亭濱海邨  
落既被海潮淹浸即水隨潮退田畝已成斥鹵寄  
屬成災較重朕心深為軫念著該督查明被災戶  
口先行加賑一月以資安頓仍按成災分數分別  
給與口糧即於該縣義倉穀內動撥民房被水冲  
塌者查明瓦房上房按照定例分別給銀以為修  
葺之資仍飭地方官加意撫綏留心體察使災黎  
得需毋惠其被淹民田除從前潮災案內已經豁

免錢糧者無庸查辦外如係現應徵糧地畝潮退之後實在城鹵不堪種植者並著該督速行查明奏聞請旨豁免

二十七日奉

上諭永定河月隄漫刷現在搶築尚未合龍田禾既已被淹即使急為宣洩而秋期已近莊麥雜糧可待者業令賞給籽種其不能補種者當急籌播種秋麥以為明春之計著該督方觀承酌量分別按照麥地給與麥種銀兩俾得於涸出之後乘時播種至園邑被水各邨莊秋收失望窮黎待哺朕心深為軫惻著於漫口堵築後查明地畝成災分數並極次貧民戶口於十一月起分別賑給口糧

庶災民日食有資不致失所其永清霸州新城保定等州縣與固邑毗連之處被災情形有相類者亦著一體查辦以示撫恤該部遵諭速行

七月初六日奉

上諭據直隸總督方觀承奏六月二十八九等日易州地方山水陡發兵房民舍間被沖塌人口亦有損傷等語著該督即速查明加意撫恤毋致失所一面辦理一面奏聞該部遵諭速行

初七日奉

上諭據河道總督高斌等奏稱六月初旬後東省山水陡發運河汎水異漲漫溢宿遷縣南北兩岸桃源清河北岸等處隄工其邳州睢寧安東阜寧

海州沐陽等州縣因伏雨較多低窪田畝多有淹浸等語隄工關係緊要所有漫溢處所該督等督率該地方印河各官上緊搶護毋得玩延其宿遷等州縣被淹地畝著該督撫即查明加意撫綏一應賑恤事宜照例辦理務令被水窮黎均霑膏惠勿貽失所該部遵諭速行

二十五日奉

上諭據船廠副都統松阿里奏稱今年六七兩月船廠地方陰雨連綿江水漲溢該處城內城外旗民房舍田畝以及倉糧俱被水淹人亦間有被傷者朕聞之深為軫念恐被災之後糧價騰貴或致乏食著照松阿里所請將被災之食戶口於彼處



倉儲內先借給三月口糧民人著動用該同知所  
管倉糧按照人口散給一個月有應行借給者亦  
准其借給仍交松阿里立往辦理此外有再應接  
續散給之處作何籌辦方今不致失所並將被傷  
人數漂沒房間地畝數目一面即行詳查應如何  
悉心籌畫妥協辦理之處著速行具奏該部知道

九月十五日本

上諭據山東巡撫準泰奏稱沂河南北兩岸隄埝  
原係民築民修但當成災之後責其趨築不無拮  
据援照向例借給食米又各戶牛隻冬月草枯無  
力飼餵亦請援例借給牧費統俟來歲徵運等語  
今歲山東所在豐稔惟蘭山郛城夏秋被水其諸

借項著加恩賞給免其徵還以卹災黎該撫加意  
辦理查冒開侵蝕之弊俾小民均霑膏惠該部即  
遵諭行

十二月初八日奉

上諭今年直隸州縣內間有偶被偏災者業經加  
恩賑恤今屆十二月例應止賑但念直屬今年夏  
秋雨水過多秋成稍歉時值歲暮小民艱於餬口  
著再加恩展賑一個月交替撫方觀承令其酌量  
現在情形所有應賑地方一面分別辦理一面即  
行奏聞務期督率屬員審心經理俾貧民均霑膏  
惠該部遵諭速行

平惠全書卷三十